



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Antonii Svcqv̄et E Societate Iesv Via Vitæ Æternæ**

**Sucquet, Antoine**

**Antverpiae, 1630**

Exercitia quædam omni meditationi communia, qua etiam pleraque habes

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

## EXERCITIA

Quibus ante orationem, meditationem, lectionem  
piam, & in illis & post ea fructuosè uti potes quo-  
ties in illis ad virtutis alicujus amorem, vel vitii de-  
testationem moneri vel moveri te senties.

*Oratio preparatoria, cuius orationi longiori,  
vel meditationi Communis.*

**O** Rex regum, & Domine dominantium, qui ubique es, &  
contemplaris in omni loco bonos & malos, & scrutaris  
eor & renes; Ecce fide vivâ & fiduciâ magnâ (dixisti enim:  
quidquid petieritis fiet vobis) accedo ad thronum gloriæ tuæ,  
ut reus ad Iudicem, filius pauper & prodigus ad Patrē, & quâ  
possum charitate ad te quem diligit anima mea: ut uni tibi  
placeam, & vitam seriò corrigam, maximè defectum illum N.  
ut offeram tibi sacrificium laudis ex toto corde meo, & cum  
omni desiderio omnis creaturæ, quæ fuit, est, eritque & esse  
potest, etiam si infiniti mundi potentiâ tuâ crearentur: idque  
in unione amoris & meritorum Christi IESU, & B. Virginis, &  
Sanctorum omnium.

*Præsentia  
Dei.*

*Actus fidei,  
& charitatis.*

*Propositum  
vite novæ.*

*Scilicet quæ  
examine*

*particulari  
persequeris.*

*Exercitium fidei & virtutum aliarum in oratione.*

**H**æccine vera sunt? Hæccine vivâ fide credo? & quasi cre-  
derem, sic vivo piè, & ut statui ordinatè? sic cogito, lo-  
quor, & operor velut ambulans coram te? sic honorè, opes, &  
vitæ hujus blandimenta, ut tu & sancti fecerunt, contemno?  
& adversa hæc, & illa, atque aspera tolero? & omnes, maximè  
inimicos sincerè, & opere diligo? & utor hoc vitæ, seu merca-  
tus tempore? cum impendeat etiâ fortè hac horâ mihi à mo-  
mento æternitas? ita N. ardentissimè desidero pro majori tuâ  
gloriâ. Et si quidem vires me volentem deficiant, nonne tu ad-  
itas mihi, & in te spero, ô spes mea, & te amo, ô infinita bo-  
nitas, hic mihi præsentissima! Credo Domine, adjuva incredu-  
litate meam, spero in te solo, & sciò, non confundar, & te so-  
lùm quæro. Extra te enim vanitas vanitatû, & omnia vanitas.  
Et sicut amore tui super omnia doleo, quod offenderim te ul-  
lo pacto; & nominatim hoc defectu N. ita toto corde amo te,  
super omnia. Et an aliquid N. ultrâ me separare poterit à te?  
ô IESU, ô vita, ô amabilissima charitas! ô omne bonum Deus  
meus, Deus cordis mei & omnia! Utinam te diligam, super  
omnia, te unum quæram, nec dimittam in æternum. Amen.

*Actus fidei,  
& amoris.*

*Actus con-  
victionis.*

*Abnegatio  
sui.*

\*  
*Aliud*



## EXERCITIA VARIA.

*Aliud exercitium in oratione.**Actus fidei.*

**C**redo tibi, ô æterna veritas, quæ mihi iudicia tua aperire dignata es; credo, ô majestas infinita, te hic & in corde meo, & ubique esse per essentiam, præsentiam & potentiam: in te ergo ego & omnia ut in mari spongia, & tu in omnibus, & nobis es omnia, & circa nos omnia. velut lumen, aër, nebula, ignis; & in me omnia, & in omnibus operaris propter me, & in corde meo velut throno & templo tuo, requiescis; quare in te solo confido, & spero desiderata obtinere N. quia toties, ô veritas, dare per filium tuum postulata promissisti, ideoque & omnia tibi committo, ac diligo te ex toto corde meo, & omnes propter te, & desidero pro innumeris beneficiis N. & vitæ mysteriis N. & peccatis meis, quæ detestor, & quia dignissimus es, offerre tibi omni affectu possibili hoc sacrificium cordis mei, & bonæ voluntatis N. ultimum fortè coram curiâ tuâ, & cum eâ, & pro omni creaturâ tuâ. Da mihi, benignissime IESV, à te vocato ad hoc gratiam, & suscipe in unione omnium meritorum tuorum me, & omnia mea, & hoc propositum meum N. Amen.

*Præsentia Dei.**Resignatio. Actus charitatis.**Oblatio sui.**Aspirationes viæ purgatiuæ.**Psal. 37.**Actus timoris Domini.**Luca 15.**Contritio.**Psal. 118.**Psal. 50.**Detestatio peccati.**Isaia 55.**Actus fiducia in Deum.**Psal. 29.**Psal. 70.**Psal. 26.**Contemptus sæculi.**Aliud per aspirationes.*

Hæcine firma fide credo? & hoc à me postulat bonitas tuæ? certè sagittæ tuæ infixæ sunt mihi, Deus, vivifica me, & deduc in semitam mandatorum tuorum.

O Pater amantissime, peccavi in cælum & coram te, *nempe non sequendo virtutem illam N* & jam non sum dignus vocari filius tuus: sed doleo ex amore tui: itaque fac me, benignissime IESV, sicut unum ex mercenariis tuis. Et quæ merces mea? tu es, bone IESV, & verè magna nimis.

Amplius lava me, bone IESV, ab hac N. iniquitate meâ, *nempe contraria virtuti preposita*, & à peccato meo munda me, qui sic dilexisti me, & lavisti me in sanguine tuo.

Sana me, Domine & sanabor, saluum me fac, ô IESV, & salvus ero, & dum inveniri potes, quæram te in toto corde meo, utinam inveniam te.

Quæ utilitas in sanguine meo, dum descendo in corruptionem! igitur nè elongeris à me, Deus meus in auxilium meum respice.

Adjutor meus esto, ne derelinquas me, neque despicias me, Deus salutaris meus.

Eheu sapientia æterna! quam mendaces filii hominum institeris, ut decipiant ipsi de vanitate in idipsum! abrenuntio illi N. & omni quod retrahit à te, & adhæreo tibi Deus meus, *Sola enim vanitas retrahit à virtute.*

Averte



EXERCITIA VARIA.

Averte oculos meos, ô veritas, ne videant vanitatem, & de-  
prædentur, & rapiant animam meam, & non sit qui eripiat, ad  
te enim, ad te levavi oculos meos. *Custodia*  
*cordis.*

O quàm doleo & quàm amarum est sic dereliquisse te, ô dul-  
cedo ineffabilis, *scilicet per peccatum virtuti proposita contra-*  
*rium*, Domine Deus meus, omne bonum, qui sic vivens, & mo-  
riens, dulcedinem tuam in filios demonstraſti. *Contritio.*

Quid respondebo tibi sic monitus, & toties doctus à te, N.  
ô sapientia æterna, ô Judex supreme, cùm scrutaberis cor meum  
in lucernis, & veneris judicare sæculum per ignem? *Actus ti-*  
*moris.*

O via vitæ, ô lux mea, quis mihi tribuat ut ambulem dum te  
lumen habeo, & tenebræ me nõ comprehendant, & juxta præ-  
sensus monitum N. curram in viam mandatorum tuorum? ut  
comprehendam te sicut comprehensus sum? *Aspiratio-*  
*nes viæ il-*  
*luminati-*  
*væ.*

O omne bonum, quando satiabis me gratiâ & charitate tua,  
& cognoscam te quod tu sis mihi omnia, quodque verè extra  
te, & fumus, & umbra & vanitas, & nihil sint omnia? *Propositum*  
*pium obe-*  
*dientia.*

O Sapientia æterna, ergo non credam tibi, ô veritas, sic amā-  
tissimè loqueri ad me ut sequar te N. quocunq̄ue ieris, ô lux  
mea, illuminatio mea, & salus mea? credo, credo, adjuva incre-  
dilitatem meam. *Contemptus*  
*sæculi.*

O Domine, quid mihi, qui nihil sum & nihilo pejus, quid  
mihi est in cælo, & à te quid volui super terram? quo minus  
sequar te. Tu enim pars hæreditatis meæ, & calicis mei; quid  
Domine? Deus meus es, verè Deus cordis mei & omnia. *Actus fidei*  
*& imitatio-*  
*nis IESV.*

Magister bone IESV bone, doce me facere volūtatem tuam,  
quia Deus meus es tu, & cùm in manibus tuis fortes meæ,  
mors & vita sempiterna, ô IESV esto mihi IESVS. *Psal. 26.*  
*Psal. 72.*  
*Actus spei*  
*& amoris.*

Orere, obsecro mihi, sol justitiæ, & inclinentur hæ umbra  
vanitatis meæ ut ne atomus quidem separet me à te omni bo-  
no, aut obumbret mihi. O lux mundi, jam hiems transit,  
imber abiit, & recessit, fac ô sol justitiæ, ut appareant flores  
virtutum in terrâ nostrâ, & tu maximè flos campi, & lilium  
convallium in medio cordis mei. *Psal. 142.*  
*Actus spei.*

O quàm suavis est, Domine, spiritus tuus, & quàm dulcia  
faucibus meis hæc eloquia tua super mel & favum! *Contritio*  
*perfecta.*

O quàm multa pax diligentibus legem tuam princeps pa-  
cis! da mihi obsecro sequi sic vestigia N. pedum tuorum quos  
millies exoseculor & cùm Magdalenâ lavo lacrymis meis. *Desiderium*  
*virtutum.*

O utinam velut sancti tui currebant in viam mandatorum,  
sic ego ad te ô meum braviū & suavissimos amplexus tuos:  
quando hoc erit? *Imitatio*  
*Sanctorum.*

O charitas Deus meus Christe IESV, quis mihi tribuat, ut  
Adspiratio  
per



EXERCITIA VARIA.

*via unitiva.*

perfectè amem te unum sicut desiderat anima tua, & ego nihil desiderem extra te, & oderim me.

*Actus amoris.*

O spes mea, & sola requies mea, & centrum, & portus, & omnia, quando sustolles me super altitudinem terræ, & requiescet cor meum in te? ut gustem & videam quàm suavis sis diligentibus te.

*In quo quies anima.*

*Psal. 33.*

O hospes dulcissime animæ meæ, ô thesaure abscondite, quando te inveniam? quando te videbo & amplectar, ut ubi est thesaurus meus, ibi sit totum cor meum, unum tecum.

*Amicitia.*

*Dei suavitas.*

O Iesv, si deliciae tuæ sint esse cum filiis hominum, obsecro te, sint etiam tuæ esse mecum: paratum enim cor meum amare te, paratum cor meum, tu scis facere omnes voluntates tuas.

*Prov. 8.*

*Resignatio.*

*Psal. 56.*

Patribus meis conglutinator es, Domine, fac obsecro me unum tecum sicut tu & Pater unum estis da unum velle, unum nolle tecum, & sufficit mihi.

*Vnio cum Deo.*

*Deus, 10.*

Quis mihi det ut faciam omnes voluntates tuas & gustem quàm suavis sis, Domine, & amare sciat omne quod tu non es.

*Obedientia perfecta.*

Quàm magna multitudo dulcedinis tuæ, Domine, quàm abscondisti timentibus te? quanta ergo, quanta diligentibus te? verum quid quæro multa? unum est necessarium, unum bonum, ô omne bonum quod tu es.

*Actus spei.*

*Actus gratitudinis & rectæ intentionis.*

Cur jam vivo, & cui vivo, ô vita mea, si non uti cupis sic N. vivo, & soli tibi, qui pro me mortuus es, & crucifixus? & tot benedictionibus me prævenis.

*Aspiratio ad Deum.*

Eheu, quid videmus hic miseri? N. vana omnia extra te: te verò te per speculum in ænigmate, ô quando dabitur facie ad faciem, & satiabis me cum vultu tuo!

*Actus charitatis.*

Fecisti me, Domine, ad te: & cur? ut amem te; & inquietum est cor nostrum, donec, requiescat in te, ideò super omnia diligo te propter te; ex toto corde meo, & ex totâ anima mea, ex tota mente mea, ex totis viribus meis, in æternum, in æternum. Amen.

*Oratio post Orationem longiorem.*

*Gratiarum actio.*

Domine Deus meus, qui custodis pactum, & misericordiam servis tuis, gratias tibi ago, quia dignatus es audire deprecationem meam; exaudi, quæso, eam propter gloriam nominis tui, & da mihi gratiam (sine qua nihil possumus) ut voluntatem tuam, quàm cognovi, & defectus meos N. de quibus vehementer doleo, emendare ac pia desideria ista N. perficere possim, ut magnificetur nomen tuum usque in sempiternum. Suscipe illa; obsecro, & opera mea in unione meritorum

*Dissidentia sui*

*Propositorum iteratio.*



EXERCITIA VARIÀ.

tum filii tui, & omnium Sanctorum tuorum: dispone de me vilissimâ creaturâ tuâ secundum beneplacitum tuum. Refigno me, & rejicio totum in te, omniaque accepto à paternâ manu tuâ, ac toto corde te diligere & tibi servire desidero, Amen. *Oblatio sui.*

Nora quoties N. ponitur indicari, secundum subjectam materiam oportunum ibi esse, aut beneficia Dei, aut vitæ Christi mysteria, aut defectus tuos, aut pia desideria, aut illa quibus indelictè adhaeres, considerare.

*Oratio pro executione bonorum desideriorum tum in oratione, tum inter legendum praxes, aut historias sacras, aut exempla alicujus virtutis iteranda crebrò & attentè.*

Dignatus es, amantissime magister JESU, in sudore vultus tui, exemplo & sanguine tuo signare doctrinam istam N. sis benedictus in æternum. Dignatus es has praxes faciles (mandata enim tua gravia non sunt) mihi proponere, ut sequar tuorumque vestigia. Itaque cum possim per te, propter te volo ut placeam tibi, dolens de omnibus peccatis meis: sis benedictus in æternum. Visitasti terram & inebriasti eam imbri & rore gratiæ tuæ, da obsecro incrementum semini sancto tuo, ut sis à me benedictus toto affectu in æternum. Si enim hæc sciente me, gratia tua in me vacua sit, quid erit quod moriens, quod in judicio, tibi, & charitati, & immensæ bonitati tuæ, vel ad tot exempla respondeam? Da igitur velle & perficere, & amare te, amantissime JESU, & vivere tibi ò vita nostra in æternum, in æternum. Amen. Amen.

*Alia brevior.*

Hanc doctrinam N. & occasionē ejus ab æterno mihi destinasti ex summo amore ò JESU, ut eâ uterer. Credo tibi ò Sapientia æterna, suadenti, & sequi te cupio in te uno sperans, cum nihil possim sine te. Et nōne tot dona, tot promissâ, & super omnia charitas tua à me id impetrabit? Cupio gratiâ tuâ facere ut alteri suaderem N. ut in morte, & judicio, ac æternitate, & tu, & omnes Sancti, & ego me fecisse optabo.

*Alia.*

Hæc scio, & fateor gratiâ tuâ, si volo, faciendo beatus esse possum hîc & æternum. Volo igitur, credo in te, in te spero, & toto corde te diligo.

*Exer.*



Exercitium Complectens Meditandi modum, varioſque affectus, & virtutum Præcipuarum actus.

Præſentia Dei.

Humiliatio ſui.

Actus Contritionis &amp; Amoris. Petitio.

Diffidentia ſui et Confidentia in Deo.

Virtutem ſuadet.

Ratio.

Sapientes.

Natura rerum.

Mors.

Iudicium.

A Eternitas.

Exempla Sanctorum.

Pax animæ.

Gaudium de virtute.

Chriſti exempli &amp; Scripturæ adhortatio.

Actus fidei.

Admiratio.

Beneficia Dei.

Invitant ad virtutem.

zelus &amp; Compasſio erga Chriſtum.

Actus amoris Dei.

Proximi.

Inimici.

In proximo agnoſcere Chriſtum.

Oratio pro proximo.

Communicatio eam Deo.

O Deus, qui præſentiſſimus & intimus hic mihi & omni creatura es: ecce ego adſto coram te & curiã tuã, reus & inops à virtutibus N. N. quas merito à me exigis: verumtamen uti ſpero & cupio, toto corde amo te: Ignosce obſecro amanter dolenti quod minus quàm debeo, amãrim, quodq; tot gratijs ac donis tuis (pro quibus tibi cum omnibus Angelis, & Sanctis tuis, ac creaturis humillimè gratias ago) tot de perfectione, & virtute hac N. mandatis ac conſilijſ non reſponderim. Da mihi bone IESV jam id facere: credo enim & ſcio hoc à ſola tuã gratiã, uti & omne donum, non ab indiſtriã noſtrã manare: Verè enim dixiſti: Sine me nihil poteſtis facere. Da igitur & indue me hoc affectu, & virtute N. ex alto: hanc enim mihi etiam ipſa ratio, & utilitas ſic N. ſuadet, imò & ſapientum mundi facta N. & dicta, at que adèd in naturã rerum velut imagine & ſimilitudine eam depingis: Mors inſtans ſtimulat, & iudicium irrevocabile, & aternitas interminabilis. Exemplo ſuo & doctrina ſic ad eam nos provocant Sancti, & pax qua exſuperat omnem ſenſum, & gaudium in Spiritu Sancto, ſed inſuper ò amantiſſime IESV, ad eam nos invitãtas potentiffimo exemplo tuo N. & Scripturã tuã N. ò aterna Veritas hortaris. Huic, & Ecclẽſia cum certã fide credam paratus eam vitã & ſanguine ex amore tuo etiam hac horã obſignare, qui fieri poteſt, ut perinde ac ſi nenia foret, tepidus permaneam? Deus bone quomodo ſaltem innumera beneficia, non me compellent? Quomodo non ſuper omnia bonitas tua, Deus meus? Vtinam ego ſaltem, cum totus ſerè mundus in maligno poſitus, vitæ & paſſioni tuæ, ò Chriſte IESV, iniurius ſit, tibi vitã Sanctã ſolatio forem, ego quem tot benedictionibus dulcedinis immerentẽ prævenis: Deus bone haccinẽ ſcio & credo, & ſpero, & te amo ac torpeo? ò Domine adauge nobis fidem, ſpem, & ſuper omnia tui amorẽ. Dilige quidẽ te toto corde meo, ſed multo ardentius deſidero & affectu omnis creatura quantum licet, quantum poſſum: Proximũ verò amo non verbo, ſed opere, & ſincere, ut meipſũ propter te, maxime alienos à me, quibus omnia ex nunc dimitto, ſicut tu omne debitũ dimiſiſti mihi, & te in eis agnoſco, cupioq; tibi in eis omnia facere, quos & omnes, maxime quibus debeo, & uti debeo, commendo infinitæ bonitati tuæ, ſimul & animas deſunctorum. Vnũ autem peto à te Domine & requiro. ſuſcipe me totũ, & da mihi te ipſum & præſentiam tuam, ſimul & providentiã in his N. N. & in omnibus ſemper



EXERCITIA VARIA.

per agnoscere & laudare, illiq; non alteri praterita NN. presentia NN. & futura NN. seu bona seu mala juxta legem tuam tribuere: ac proinde de nullo queri vel dolere. Da stare inter aduersa NN. securū & absque terrore: quorsum enim timeo cum in pondere, numero, & mensura, à te Deo meo, Patre, medico, & duce optimo ac presentissimo pro aternā Sapientia & bonitate sint ordinata. Da stare in te erectum; neque spe creatura inniti, quā doleā se subtrahere; abnegari enim, & abnego omnem, & omnia propter te qua sperare potest homo aut optare. Da mihi ut neque gaudio trahar, aut exemplo vel respectu hominum ad ulla mundi bona incliner. Habeo enim hic ea omnia in te fonte omnis boni, & vera (cū illa picta sint & falsa) & sintera (cū illa felle & veneno mixta) & ultra parata, cū illa aegre acquirantur, nec momento securē & absque amaritudine possideantur. Habeo ea quidem in te ubique, at maximē in Ven. Eucharistiā, ad quā velut fontem aqua viva sitivit, & sitit anima mea. Da mihi de tam praclaro calice bibere, & illo inebriari ab ubertate domus tue, & cibo Angelorum satiari: sic enim spe plenus obtinenda gratia tua, & salutis mea quā supplex per vitam & mortem Christi Iesu peto (dixisti enim Petite & accipietis) ambulabo coram te corde tranquillo & perfecto, nihilque sperans aut timens sic N. semper de te cogitabo, sic loquar N. tecum vel de te crebro, amanter & pie, sic actiones NN. ad te dirigam, & operabor hoc velut ultimo die immō horā salutem meam: donec, donec aspires illa: quando hoc erit? donec, donec aspires illa dies, & inclinentur umbra, donec quod ardent exopto & sincerē, uti nosti, desidero, te videam, te perfectē amem, & complectar te unum: sim tecum & liquefam in te, donec sis mihi omnia in omnibus, Deus cordis mei & omnia. Amen.

Omnis accipere de manu Dei ac de nullo queri,

Animi ad aduersa preparatio. Spei & omnium affectionum in Deum conversio.

Contemptus rerum humanarum.

Applicatio ad S. Communionē, Ordinatio actionum.

Aliud exercitium in oratione fidei.

O Veritas, o bonitas, credo tibi hic & ubique mihi presentissima, & hac N. & quacumq; scripta, facta & dicta sunt ad meam esse instructionem, & certissime profiteor coram curiā tua, neque esse, quod excussem nisi credam illa, & opere id ostendam per gratiam tuam. Tu potentissimus & sapientissimus, & optimus, & ego non credam tibi, & hac N. testimonia voluntatis tua non amplectar? verē credibilia mihi & amabilia facta sunt nimis, si vè rationem N. & sapientes N. si vè rerum naturam inspiciam & audiam Vtinam te audissem semper, o omne bonum, & numquam te offendissem. Vtinam vita mea te honorassem, & ex patientia mea ostendissem fidem meam! Verūm ex nunc in aeternum credam & diligam te opere & veritate N. fac de me quod tibi visum in aeternum: ego gratia tua cū scivero voluntatem tuam faciam ex intimo tui amore & quacumque revelasti pro salute

Dei mandata credibilia.

Resignatio



EXERCITIA VARIÀ.

salute mea, amplectar. & omnes voluntates tuas, o vita mea & omne bonum meum. Amen.

Exercitium Spei.

**Humilia-  
tio sui.**

Tu scis Deus meus, tu scis quòd non sumus sufficientes aliquid facere ex nobis uti hoc N. tâquam ex nobis, Itaque ego pulvis & cinis ad te confugio, uti per te, & patientiam & consolationem scripturarum spem habeam, & in te sperans non confundar. Tunc anim, o bonitas, sic N. me vocas, & repellere poteris, sic in vitas & trahis ad te, & deficere sines in via? In te Domine sperans, scio non infirmabor in æternum, et si inveniam in membris meis legem repugnantem legi mentis meae, neque dignus sim gratiâ tuâ. Sed qui didisti mihi corpus & sanguinem tuum in precium; & te hodie paratus es dare in pignus salutis, & qui tot beneficiis N. pravenisti me, & petere toties iussisti, & dare promisisti, o bonitas! o veritas! dabis utique mihi quod petam, ut toto corde sperem in te. & quamvis occideres me, o spes & vita mea in te sperabo, et si consurgerent in me castra mundi hujus & vanitatis, & reclamarent, portio mihi tamen erit, sic N. custodire legem tuam; & te sequi: quo enim ibimus à bone IESU, nonne verba vitæ aeterna habes?

**Beneficia  
Dei & pro  
missa spem  
excitant.**

Exercitium Charitatis.

**Deus nos  
docet ex  
amore.**

O charitas Deus meus da mihi intellectum, & discam mandata tua, sive per epistolam, sive per creaturam loquaris ad cor meum. Quidquid enim ad salutem disco, tu presentissimus mihi, me ex infinito amore doces: O salus mea & medicina anima mea. Et quanto id amore doces me, qui nihilum sum ante te! tunc bonorum meorum eges, ut tam spontaneo amore tot me bonis & charitate tua pravenias? Sic enim pater aeternæ dilexisti mundum, ut filium tuum unigenitum dares. Sic tu benignissime IESU fili Dei, ut pro me in mortem dederis preciosam animam tuam, & gravia mihi queant esse mandata & consilia tua? Diligam ergo hæc N. & te Deus fortitudo mea, o quàm tibi adherere mihi bonum est! Quid ergo me separare poterit à charitate tua? tribulatio? an angustia? an fames? an nuditas? an periculum? an persecutio? an gladius? fortis enim ut mors dilectio tua, & aqua multa spero non poterunt extinguere charitatem, id est ignem quem venisti mittere in terram, & vis vehementer accendi.

**Magnitudo amoris  
Dei.  
Rom. 8.  
Resignatio.**

**Cant. 8.**

F I N I S.